

Jekabaara



World Vision

Cikela ceman n'a musoman Kunnafoniseben
a be bo kalo o kalo
Jamana baarada la BP: 2043 Bamako (Mali)

Afriki tøgøla ntolatan janjonba tanniw kera Tinizi

je 11nan

Dantigélikan

« Maa dimiko bee ye maa yere no ye », o yan ka maa hakilitigiw ka tinekuma do ye, min be fo ka bi lawale la, nka na ma se ka korebø abada !

Djenatige waati taakasegin kuntaala bee kono, adamaden de bø yere son waati bee, walima ka yere je. No kera, a bø yere bila sababu jini na sa. Dugu kono ; sigida kono ani jamana kono, ni bee y'i sebe ben i ka bulonda furanni ma, yoro be je. O be cogo min na, ni bee y'i ka keta ke, an bee be adamadenya daamu soro. Du ye jigine de ye. Duden bee lajelen ka wulikajo de be du jigine in fa. Ni maa kelen soro-la du kono min minyoro ma fara tow ta kan, siga ta la, o be balo tow ta la. O be balo tow de makononi na. Wasolongkaw dun ka kuma don : « Møgø min be maa were makononon walasa ka balo, o tigi t'i diya abada dere ! ».

Tumani Yalam Sidibe



Batakiw ka bo Jekabaara kanubagaw yoro

je 4 ni 5 nan

Ofisi-iri be baara la sinzani

je 8 ni 9nan

Kunnafo ni gelen

je 12 nan


"Kalan be moøø son hakili la rika luna e... moøø bo kumpa na" Yoro Ulen Sidibe

Nkørsi ne kølølow

je 7 nan

Ka se n balima cikelaw ma

An bëe waati min na sisan wasako caman kera malidenw ye. O fôlô yân ka ntolatan cebalenw yeli ye Afriki ntolatan janjonba tanni kenew kan Tunizi jamaa kono.



Hamidu Konate

Tijë don, an ye joyorô naaninan sôrë yen fana i nà fô san 1994 ani 2002. Nkô nà ta bëe an seli yere yâ danma wasako ye janakene in kan. An koni be se ka min fô, o de ye ko jamana jemaaw ni ntolatanko jemaaw an jekuluw bëe de ka kan kû hakili jagabô ka bi sisan walasa an ka ntolatan cedenw bëe dijë ntolatan kenebaw lasorô san 2006 ani ka wasa sôrë yen.

U ka ye o 2006 san kelen, keneba were kan min ye Afriki ntolatan janjonbaw sigiko 25 nan ye misira ja-

**An
ka
jekabaara
kalan**

je 2nan

mana kono. An ka cedenw danni joyorô naaninan na, o man kan kâ to an kâ ko ke « den lafililiko ye a koliji fe ». Dô bë dëse bi, o be je sôrë sini. An kû kanu, ka filiw jini kû latilen. Nô kera, siga hali kelenpe tâ la, an ka cedenw bëe janaya kene sôrë don dô...

An bâ dòn ko dugu caman ka koori sarala sa. An bë segin ladi-likan min kan kâ fo an jenogon cikelaw ye, o de y'u ka sôrë labaari-ali ye ka je. Musakaw ka taa da fe da min be bëe nafa. Nô kera cikela bëe nafa sôrë a ka baara la. U ka ben u yere danmaw ni jenogon ce. Fen min ye CMDT maaw ye, olu fana k'u joyorô fa a jemaa cikelaw demeni ; u bilasirali ; an'u ka baaraw kôlosiko juman ma. Nô kera, siga tâ la, Mali bë wasa don dô nà ka cikeda jamanaya ye.

N te se ka kuma in kunce ka sôrë n ma taasibila ke ka jemaa jekabaara jenogonw ma. Olu kâ dòn k'u joyorô ka bon haali jekabaara jensenko juman na sigidaw kono. Fen min ye jekabaara kono kunna-foniw barikali n'u sicayali ye, jenogonw ka bonjoyorô on o fana na haali. An bâ jira u la kô kunna-foni diko juman siratige la, ni jenogonw yâ lajini ke, jamana kunnafonilasela maa faamuyalenw bë se ka se u ma, ka baara kû fe. U yeref fana bë se ka batakiw ci an ma.

N be jekabaara la jagabagaw bëe fo.

**Hamidu Konate
Jamana baarada jemaa**

Hakilisenakene

« N be se nin na », da bò fo nka yecogo de bò sementiya. Bëe dun be se ko dô la, nka denyerelabaliya de bë maafemdaya caya. An ka da an yere la ka baara, nô kera, hali ni an mî je tow ye, an ba kân yere ve.

Touroni Yalim Sidibe

Jekabaara boko 2.11

Sangañegon

Ne bôrâ n bara
N sera karisa bara
N ma fan ye n bôto
N ma fan men n seyorô.
Nka, taanikasegin sira kan Tentankônoba dô ko n ye
A ka kônokuma na ko :
« E tayorô man fisâ n'i boyorô ye
Nka i seyorô hawuja de bî hakili kan ! »
N tun mât faamu
Barisa n te kônakan men
Nka n kosegintô
N ni cekoroba dô benna
Min ko n ma ko :
« A file
i taayorô ma dôware ke
i boyorô lagosili ko.
A file
A ka galen taayorô ka maa makô je
Kasorô o ma mine i yere la.
Ni sangañegon bë ce la,
I Yerekun don.
A tò bëe ye hakilinan gansan
ye ! »

Tumani Yalam Sidibe

marisikalo san 2004

Jekabaara bë lase a nema Kucala CMDT cikemara kono ani Kangaba kafo kono

Kucala CMDT cikemara maaw ye fëre bë tige walasa jekabaara kà kalanbagaw lasorjoona, nò ye « AW » ye. O de kanma, a te meen magasa kono olu bara yen abada. O yere de sirategë la, Kucala CMDT cikemara kalanfa, nò yan balimaké Môr Jakite ye, o ye bataki kà a ka walejumandé kanma ka jësin a baaraké njogonw bë ma : cikelakolidenw ; sekiterikuntigw ; cikemara nemaaw ; magasa ladonbaga Môr Jakite ka fo la, bolonkoni kelen te bélé ta abada. O ba jira ko baara juman si te se ka sira soro, ko tigilamaaw bë lajelen ka wulikajé kò ben ni njogonfaamuya kò.

Nin sira kelen in fe, an ba nini an jenjogonw bë fe an ka wulikajecaya walasa jekabaara bë kan bë sakoye. Kerenkerennenya la, n kan bë CMDT maaw bë mo ani an ka lasigiden kura sugandilenw CMDT maraw kono, ani mara werew kono (Segu malosenebaarda ; Kolokani ;...). A ka kan olu kà dòn Ku ka kan k'u seko damajira bë ke,



Jekabaara sebenkun ye cikelaw ka kunnafonni laseko juman ye u ni ucga ce

i mò fo Jibiriki Trawele, nà be wele ko Butoréi Butoréi Gali, walasa ka kunnafoni ci an ma u ka sigidaw kono kow kan. Nò kera, an ka lajni be sabati, nò ye jekabaara keli ye Mali tonkun naani bë kono kow kunnafoni di gafe ye.

Fen min ye Kangaba kafo kono na ye, o fana taabolo kera nisondiyako yan bolo. barisa jekabaara la jagabagaw söréla yen

fana. O folo ye Adama Trawele ye, nò ye manni këfénw feerebaga ye Kangaba dëgofiyé la. A filan ye Zan Sako ye, ale ye OHVN kalankow jemaa ye Kangaba ni Narena.

Ka damine bëko in na, olu de bëndé ke jekabaara la jagabagaw ; a feerebagaw ania lasigidenw ye Kangaba.

Tumani Yalam Sidibe

Merisigi-kalafiliw bolodara

Mériw sugandili kalafiliw bë ke taabolo kelenpe kono, mekalo nata.

O kalafili laben jekulu weelen don san 2004 feburuyekalo tile 24. Fen min ye méri dantigelenw ye sugandili kamma, olu kofosében kasedon kuncédon ye san 2004 awirilikalo tile 8 ye. A minéni waati ba ta san 2004 marisikalo tile 25 la ka se awirikalo tile 8 ma (su minuwi).

Maa yamaruyalenw kalafili



Meri de ye sigida jemaa folo ye.

An ka sugandi ni hakili ye kadara kono, olu kofosében

be dankenemaya san 2004 awiri likalo tile 11. Fen min ye kalafiliw yere ye, o kow be damine mekalo tile 7, su minuwi. A baaraw bë kunce mekalo tile 21, su minuwi.

Kalafiliw jaabi bë di mekalo tile 28, san 2004. Fen min ye konséye sugandilenw ye meriw kono, o sèben be dankenemaya san 2004 zuwenkalo tile 23.

An ye nin kunnafoni bë « Les Echos » kunnafonisében bëko 2251 kono. A jé 8.

Tumani Yalam Sidibe

Batakiw ka bo jekabaara kalanbagaw yoro

Seliba jangatanwalew

Nin ye geleya ko fila ye minnu sérôla u sérôbaaw fê seliba jé kôro. Maa kelenw te.. Nka, seliba jésigi danmatemewalew de y'u bëe ka geleyaw lase u ma. O kanma, an y'u sugandi aw ye ka bo « 26 mars » kunnafoniseben bôkô 278 nan kôro, feburuyekalo tile 3, san 2004.

Seliba lahiyasagako

Seli jékôrô (seliba), Jarladu ye geleyaba sôrô Dawudabugu kin na Bamako. Sagajiginin kelen tun b'u bolo, duden bëe tun b'u jeyôrô fa min ladonni na sanni selibô don ce. Jumadon, tile fila ka kôn seliba jé, saganin ye maa hakili sojé ka bo, ka teme nà yere ye. Waati kelen kofe de Jaralakaw bôra saganin tunini kalama. U bôra ka bôlô min saganin ninini na, u mà ye. U ye fan bëe don jögôna, u mà ye. O de la sa dutigi nà ka denbaya ye Ala mine. U taara sogo kilo hake dô san sugu la, kû b'u wasa don o la seli-

don. Nka, kû tò sogo kérôgerenni na, kabako dô kera. Saganni nana nà yere ye du kôro. Aa, saganin yeli balako jugu dudenw la, u firila ka dâ kan, kâ momô ; kâ bisibisi ; kâ sumusumu fo kâ koron. O koronin de ye fijé tige saganin na ; fo kâ faga ka sôrô maaw tâ kalanma ! Saganin bidden, jigelatige daga kônsen kurayara ! Môrike dô ka du bë Jaralakaw ka du kéréfe. O de yaalayaalato nana bo u kan kû to kamanagan na. Kow jefôlen o ye, o kû ma kû bë se kû tellière ka muru teme saga in kan na ni « bisimilayi » fôli ye. Kô la u bë se kâ dun. O ye Jaralakaw nisondiya, tijakuma wa nkalonkuma, u mò jenjini. U y'u ka saganin « faga ko kûrû » kâ dun !

Seliba lahiyasagantan !

Maa dimiko bëe ye maa yere no ye de ! Nin fana ye Jarake dô ye. Ale ye so kura labanbali dô kôlosibaga ye Maianbugu kin na, Bamako.

Ale ka kalosara dögoya nà ta o ta, a fana ye togodala npogotiginin de ta baaradenya la. Kalo o kalo, o ka sara be fara jögôna kan a bolo, kow tora o cogo la fo ka na seliba jékôrôla se. Jarake ka baaraden ko kâ ka wari bëe dâ ma, ko barisa a ka sotaa waati sera. Kâ bë taa seliba kû bara. O yorô la, dagà wulila jarake bolo, sonkala ma ye. Doromé kelen tun tâ kun baaraden ka kalosaraw la !

Baaraden taara kuma fô a jatigimusô ye. O fana ma dôwêre ke. O nana jarake ka lahiya sagajigiba foni a yere jnew bosolen jena. Baaraden yâ wasadon saga la, kasôrô jarake nà ka denbaya sagantanyara seli la.

Mun yô ke danmatemé wale kô ? Ni maa wolo te kene min sôrô, n'i ko i bâ sama ka se yen, nà ma fara e yere te to i no na de !

Bubakari Sangare
Bayelemabaa : T. Y. Sidibe

No sôrôla, malo sôrôla, nka...

Maa si te samiñé temenen diyalî fô mögô ye belen an ka jamana kôro. Awa, fan bëe jena ka da samiñé tadibolo kan. Jé ni kaba ; sajé ni kenninge ; malo ni dadumunifén senetâ taw bëe, ninnu bëe sôrôla a jema an ka jamana fan caman kôro. Nkô de fana bë ka ne miiriyôrô janya, barisa, ni suman dese yâ danma geleya ye jamana kôro, sôrô danmateméke pesigibali fana ladonko jugu yâ danma geleya ye. Aw mà ye, ni cikela bolofara, o de bâ bila sumanfeere la. No dun ma ke ni hakili ye, nisondiya bë se ka kuncé nisongoya la, barisa wari nata bë se kâ ke kunkanfan hake bë kôsagon

sumafeere la, ka don bilankôrô la, kasôrô bo ma kâ kalama. Ne yô yoro de faamu jekabaara bôkô temenen jé 11 nà 12 kalanni na.

Ne bâ fë ka min fô n balima senekelaw ye, o de don walasa a kâ kebaga nafa. N be ntaalen dô da nin yôrô in na min ye nin ye : « Ni duntulu banna, gëre bë ke muntulu la ! » O ye wajibi ye duntuluntan bolo, nkâ nisondiyako te ! N'i dun yâ ye ko gëre bë ke muntulu la kene min kan, duntulu de musakacogo juguyara koyi. Nénta, nî bëe labaardia a jema a waati la, a si te dese sanko ka dorâ kelen don to kelen ka dese nô na. Nin bëe dun ye hakilikô de ye. Maa tâ fô ko cikela ka

sumafeere ye kojugu ye barisa ale ka balosuman n'a ka san musakanafolo bëe de sun bâ ka foro kôro. Walasa a ka daamu sôrô nin bëe la, cikela ka kan kâ ke cogo bëe la, ka sanga finikalala ma : A bë min tige duloki kanda la, o ka donyôrô sôrô, a jufa la.

Ne bë jekabaara sëbenbagaw bëe fo kosebë, olu minnu y'u ka baara ben cikelaw kunnafoniko numan ma bamanankan ce ji na. N be Tumani Yalam Sidibe fo kosebë. O Temenen kô, n bë u fo u ka hakilinan kura la n'o ye jekabaara kenkanfeere ye an ka duguw kôro. O kera hersko yan bolo.

An bë jekabaara ye a waati bërebëre la sisani. Aw ni ce ?
Mamuru Siyaba Fonbo
Ka bo wurun

Batakiw ka bɔ jekabaara kalanbagaw yɔrɔ

Baganfolofolo b'a fe ka sene negebɔ a kebagaw la Makənə komini kənɔ

Makənə ye dugu ye min bɛ Sirakɔrɔ kubeda fe, Kita mara la. Desantaralison nalen, Sirakɔrɔ kubeda tilala saba ye : Sirakɔrɔ komini, Sənko komini ani Makənə komini.

Madi Tumani Jalo

Fen min ye Makənə a komini ye, o ye dugu 15 faralen ye nəgən kan ka ke kominiba kelen ye min faaba ye Makənə yere ye.

O hukumu kənɔ, baara ni kotoñəgentala ani nəgənfaamu bɛ Makənə komini kənɔ.

Nka, an bɛ don min na i nà fɔbi, fen kelen bɛ ka Makənə komini dugu 15 jama ce nà musow bɛe

lajelen kənɔnafili. O ye baganfolofo ye samiñe waati. Ka dà kan, n'i ye Makənə komini dugu 15 in laje, i bà sərɔ dugu min bà balo sərɔ san kənɔ, o te teme dugu wəɔrɔ kan, kò sababu ke baganwladonbaliya ye samiñe tuma. Sabu, baaraba keli bɛ maa caman dusu la, nka baganko kelen in bà negebɔ u la. Ka masərɔ n'i ka foro ye taari saba walima naani ye, i bà sərɔ baganw ye taari 1 ni tila tijə o la. I kà dən, nin kəni te baara kanu dən a kebagaw la hali dəenin.

O Temenən kɔ, bagan minnu ye nin tijəniw kebaga ye samiñe waati la forow kənɔ, o baganw nò forow bɛe ye o senekela kelenw de ta ye. O tuma, bamananw bà f'u ka kuma də la ko : « Forobabagan mana forobaforo tijə, forobaku-

ma de bò ban ».

O tuma, nà yà sərɔ o kuma ye tijəkuma ye, ne Madi T. Jalo bà jini Makənə komini jama. Ce nà muso bɛe fe, senekela, baganmarala, ani baara were kebagaw komini kənɔ, anà kókan, an ka je kàn bolo di nəgən ma ka baganfolofolo in kèle ka bɔ komini dugu 15 kelen-kelenna bɛe kənɔ, walasa an ka sərɔ be taa je. Nənte, an bɛ bolo min kan nin ye, nàñ torò cogo la, kosegin bɛ yen ke, nətaa tena ke abada. Sabu, baganko mana diya cogo o cogo, a sogo te se ka ke surəfan ni tilafana ye cogoya si la.

**Madi Tumani Jalo
Ka bɔ Makənə, Birigo Sirakɔrɔ
kubeda. O Temenən kɔ,
jekabaara
Feerebaga don u ka sekiteri la,
n'o ye Makənə sekiteri ye.
(A tɔ bɛ bəko nata kənɔ)**

Ngənɔn lajeba

« Afiriki wəriti » (bañumanketən) ni sənefenw jekafeere tənjekulu məgəw jera ka lajeba ke nənən. Mali mara wolonwula (7) bɛe təgələməgəw tun bɛ kene o kan. Lajeba in kuntu tun ye nəgəya donni ye sumanw feereli la : malo ; kaba ; sajnə ; keninge ; a n'o nəgən caman.

Cikəlaw minnu b'u feere, olu ka nafa sərɔ u la, ani minnu b'u san, olu k'u sərɔ da nəgən na. Ni sen in nəgənlajeba in nəma kosebe, n'o ye san 2004 ta ye. Nin tun yà kəko 10 nan de ye. A bɛe kera

nənən dugu kənɔ.

Malo caman bɛ nənən jekafeere tənjekulu məgəw bolo.

Kaba ; keninge ani sajnə caman bɛ Lutana « parikolo CPC » bolo.

Kaba ni keninge ani sənə caman bɛ Kucala mara masintigiw bolo.

Nka, Kayi mara məgəw mako bɛ suman na.

Məti mara fana mako bɛ suman na, kaba ; keninge...

Gawokaw fana mako bɛ suman na.

Nan ye segukaw ta, an bɛ t'a

sərɔ ko malo ni sajnə feereta bɛ yenkaw bolo haali.

Lajeba in kuncera ni sannifeere ye feerebagaw ni sannikelaw ce.

Suman feereta hake min sərəla cikəlaw bolo kene kan, o bennə təni 1624 de ma.

Fen min tun ye sannikelaw ka hake lajini ye sanni kanma, o tun ye təni 365 160 ye.


**Nin səbenna Jibirili Trawele fe
n'a bɛ wele ko Butɔrɔsi
Butɔrɔsi Gali
Jekabaara feerebaga n'a la
Nagabaga don ka bɔ
Lutana (Kilela komini)
Sikaso**

Maliden cema, a musoma, an bee ka ke kelen ye fasobaara la

Nin waati in bee kera ntolatan waatiw ye Afiriki jamanaw bee kono. O ma ke Mali jamaa kô, barisa an yerew ka cebow tun be kunnawolokenba in kan. Waati o kuntaala bee kono, hakilinan kelen de tun be maliden bee la : An ka cebow ka keneba in yanaya soro. Dugubaw kono, dugu misenw kono, hali togodaw la, ntolako tun ye bee wuli ka jo. O ye hakilinan do di ne ma : jaa ni malidenw sonna u be se ka ke i na fo ce kelen ani muso kelen den ye fasobaara la ! O de dun ka kan bi. N'i ya laje, kuma min be fo, tije ba la. « Ka kô tubabufanga je, fasoko ni fasoke-lendenya tun ban bara yan. O yere de kanma, maliden fen o fen mana kuma nogen nena, ka lasama, aw be ta soro ko balimayasira do baw ni

Mali kono yan, siyaw caya kera sigi diya sababuba ye. Bamanan ba yerebara yoro bee. Awa : bobe ; maninka ; korebore ; burudame ; fulaw... a ka ca, ninnu bee ye senenkunya temesira do soro u ni nogen ce. Jaa Mali ka di ! Aw ma ye, hali diineko minecogo ye malidenw ka yere nogenya sabati. I na fo an ka dinkilidalaba do ba fo cogo min, no ye Umaru Koyita ye, kumada be diinetigi bee bolo Mali kunkankow nabenoli la : Silamew ; kerecenw ; tontigw. Aa ! Mali ka di dere. A file, ni malidenw sera yoro o yoro Mali kono, dunanya to la, a be jiginyoro soro a yere la balimaya kono.

A man kan an ka jine an yere ko. O siratige la, barisa kenekan kelenyaba min ban ni nogen ce, o de kanma dije jamana tow bee ban



Janjonba yalonna Tunizi cedenw fe jamana 15 cedenw nekorô !

nogen ce sira do kan, hali na'w boyerô ka jan nogen na kosebe. Awa, tingo be Mali de kono, o de kanma, a ka gelen i kan ye nogen na kelebanbaliw kene kan. Mali kono, fokaben be ko bee ban. O de kanma, a ka gelen ko ka tije yan ko labenyorô te min na cogo si la. Ni yoro were siyako kera fitinebaju ye, ka maaw danfara, k'u ke nogen juguw ye i na fo wulu ni jakuma,

niyoro ji sigi. Hali nan ye furuko laje, anw de bara yan siyaw bee be furu nogen ma. Hali furu te minnu ce, i na fo kado ni bozo, ben taasira do de sabatili lapini yò latige. Mali ka di. An ka ke cogo bee la o diya kana burun an ko. O kanma, an ka je ka ke kelen ye i na fo ni dije waati bee ye ntolatanba donw ye.

Tuman Yalam Sidibe

U ko...

Ni konobara fara kasoro hakili ma fa, laya te soro. Hakili falen de koni ye ko bee nabenolen ye !

**Abudu Arazaki Menta
Arujo bamakan (Bamako)**

— — — — —
Juguya dan ye yerekun-juguya ye. Awa, Yerekun juguya were te yerenegen ko : k'i yere bila nturaba wolo kono ka soro i ma se sagaden wolo ma !

**Ba Karimu Fomba
Ka bo Jijeni (Kolokani)**

— — — — —
Sawura were te juratalaba la sogodennin bije-kenetigi ko. A bi pan-pan, ka yere jagabo i na fo dimi fan si ta kan !

**Jeli Solomani Sisoko
Arujo Mali maanabola**

— — — — —
Dije in kono maa min mana bee dan, bee fana bo dan. N'i ko yoro mir ko ce janba, hali n'i mi to lase, ce surumbaw de be yen. N'i dun ko ko faamba, o ye faantanbaw de senkoroko ye. Nka nin si ma laban barisa hali a tana meen, san kelen fo san keme doron, u bee benn je toli ni silatunu pewu la kaburu kono !

**Zumana Sankare
Ka bo Badenka (Kité)**

Nkɔrɔsiŋe kɔlɔlow

Ni ye ce caman ye bi, i bɔ tɔ sɔrɔ cɔya taabolo bana degun b'u kan. N'a min bɔlen te cɔya la pewu, i bɛ tɔ sɔrɔ

nen bɛ. Denmisen bù ka bana fɔlo sɔrɔ yen de cɔya siratege la, n'ñ kɔ ma ko nkɔrɔsiŋe walima « jiegenebilenkebana ».



Denmisen ni ladonko puman ka kan, walasa a ka ke sini maakɔrɔba puman ye

muso ladon te kɔ fe a jɛma. Awa, an be kun caman sɔrɔ ka fɔ o la. O kunw la kolo girin ye nejini walima baara jugu taabolo were ye. O te nkalon ye barisa maa te da ko la gansan i nà fɔ maa te tige ko la gansan cogo min na.

Nka, ni bee n'i ka tijé don, tijé lakika fana be yen, bee ka kan min na. O de kanma, walasa ka maaw bɔ kunban na cɔya bana taabolo siratege la, an y'an magere a ko jɛdɔnbaga dɔ la, nò ye dɔgɔtɔ Mamuru Fɔnba ye. Ale be segennafinjebɔ lasigili la Bamako, Majanbugu kin na.

Mamuru ka fɔ la, bana sababu caman be sɔrɔ ce yere ka denmisanya waatiw Koketaw la, i nà fɔ dala-kɔnɔ-koli walima ji basigida werew, minnu ji koron-

Awa, o furakecogo jugu walima a banyerema de bà to a banakisè be mɔ ni denmisen ye a ka maaya yelembəlo bee kɔnɔ. Banakisè in mæncogo farikolo la, o de be cɔya bana furake goya. Furatigi caman bà fɔ kà fura be n bolo, nka n'i yò labaarali damine, i be tige a la joona. Walima, nà yere kera wasako ye, i bɛ tɔ sɔrɔ o ye waatininko ye. A te mæn, bana be segin a cogoya kɔrɔ la.

Fen min ye cɔya bana taabolo ye musow fan fe, o ye diyasɔrɔbaliya ye, ni tubabuw kɔ ma ko : « firiwɔlite ». O bana o fana ju be muso ka denmisanya taabolo la. Hali nò dɔ be jefɔ si-ginegækɔrɔ kɔcogo jugu fe, i kà dɔn a fana sababuba banakisè be ta ji korondaw kɔnɔ de.

Kɔlɔsi : Nin bà jira ko ni

bangebaga minnu tɔ fe ka buranmusontanya ; ka burankentanya walima ka mɔdenntanya sini-ma-sini, u wajibiyalen don bi k'u denw baloco-go kɔlɔsi a jɛma. Kerenkerenneya la, k'u bali ji-foolonw ni jibasigida nɔgɔnlen werew kɔnɔ koli la.

Ni maa min ko fen bee kɔrɔ ko « ko tēna bɔ nin na, ni ko yere bɔrɔ la, o fana te bala i la ».

An kàn denw kɔlɔsi, k'u ladon, nò kera, an be ke cækɔrɔbaw ni musokɔrɔbaw ye minnu lafiyalen don, barisa an be ke here la an ka kɔleba cɔrɔ. Ni dijé falen don here ni Heretana sababuw la, a si te maa lasɔrɔ a yere kɔ de. Maa dimiko bee ye maa yere nɔ ye fana de.

Jaa !

Tumani Yalam Sidibe

Sangalaci

Jamana baarada jɛmaaba nà baarakajøgɔnw bee nisøngoyalen baw ladønniya ko Cebilen Danbele factura clamisadon feburuyekalo tile 12, san 2004.

Cebilen Danbele tun y'an baarakajøgɔn Mayimuna Kulibali furuče ye. A suturali kera jumadon, kalo tile 13, san 2004, Bonbotelakaw ka so Ntomikɔrɔbugu Bamako. Ala ka deyɔrɔ suma !

Sinzanikaw ni Ofisi-iri ce “Dunu te san soro jurukise ko”

Sinzani ye dugu ye min be Segu mara fe. A ni ye ce ye kilometere 50 nəgən ye kənekayanfan fe ka digi kərən kan. A dugumaaw ka baara fanba yen səne ni baganmara ani jago ye. Səneko sira fe, u ka fen senetaw ye sañə, keninge ani malo ye.

Fen min ye maloko ta fan ye,

siratige la, a seginnen ka na a fasolalə nə ye Sinzani ye, a y'a ka le jini faamaw fe k'u bō ke malosene yərə ye. O waati y'a soro Modibo Keyita be ja-mankuntigiyə la. A məennenn taa ni kasegin la, u ye yamaruya dà ma. O kelen, a ye ci bila Sinzani kubeda dugu 32 ce ni musobee ma kā jira u la ko lajini

min dunya tun be ben santimetere 5 ma nə ye nənkən je kelen hake ye. A fə cogo la, o kelen tun be ben taari kelen ma. O tuma, k'i ka foro bonya nə dəgəya tun be soro o hake sennita de fe. U yə taasiseneniw k'e k'u ka maloforow soro, min kene mumə tun be ben taari 3 500 ma. Forow labennen, u ye jibolisira senni ka bə Joliba la ka na don u ka malolorow la. O waatiw y'a soro sanji be na kosebe ka ba fa fo k'a walankanta ka don maloforow la. U tor'o cogo de la ten sa, sərobaw tun be ke.

N kən ka kumadonsow ko u ka kuma də la ko : « ko mana diya cogo o cogo, k'a be goya don də ». O siratige la, jikogeləya tara ka na dəənin dəənin fo san dəw tun be k'a la maloforo dow tun te ji soro.

O kelen, Kalifa Sangare ka fə la, Masajan Sidibe taara a jini Ofisi-di-Nizeri nəmaaw fe k'u k'a deme ni ji ye walasa u ka baara kana ke gansan ye. O kuma fəlen, olu məenna n'u ma sən Masajan Sidibe ka lajini ma. O kelen, dəndəla, a yere wulila ka taa digi kari ka ji bila ka taa u ka maloforow la, ka soro ka ci bila ka taa a f'u ye ko bama ye digi kari. O kəfə, Ofisi-di-Nizeri sənna Masajan Sidibe ka lajini ma. N ka u benna sariya də kan u ni nəgən ce nə ye jisəngə sarali ye. O waati, adamanen tun te kanfilafəla ye. U benna malo kilo 40 kan taari 1 o 1 na. Kalifa ka fə la, o waati n'i tun y'a nafololama jate, o tun be



Ofisi-iri ye malosene ke cikelaw yiriwabaara ye a ka mara kənə

Kalifa Sangare ka fə la, ale min ye dugutigi k'a kənseye ye, maloko dəminəna Sinzani kabini san 1961, min sababu bərə a Masajan Sidibe la. Ale tun ye Sinzani kaden ye min ye sojəbaara caman ke kabini səneko yiriwalibaarada ka kow be a ta ni fila-fili la Mali kənə, n'u tun bə wele ko (sərewusidagirikilitiri).

Kalifa Sangare ka fə la, Masajan Sidibe ka baara də senfe kərənyanfan fe, a y'a ye malo be səne yərəw la yen, u ka dugukolo ka ni nəlu ta ye malosene na. O

sabatira mafoforoko ta fan fe, ko bee dama ka kan a ko la, maa ma fisa ni maa ye. O kuma fəlen, maa minnu nana, o de cayara ni minnu mana ye k'a sababu ke faamuyabiliya ye. Sabu, səneko yiriwalibaarada (sarawusidagirigilitiri) zometiriw nana yərə suma. Maloforo tun be soro cogo di ? Kalifa Sangare ka fə la, maloforo səroli tun dulonnen be taasisene de la, o fana tun be ke cogodi ?

Ni maa min tun bə fe i sen ka don maloforoko la, u tun be metere naani suma ka d'i ma,

ben Maliwari kème ni mugan (120) ma. Un ni Ofisi-di-Nizeri tora nögón bolo fo ka na Masajan Sidibe ka waati dafa san 1968.

Kolosili : Ninnu baa ninnu baa lajelen kéra san 1961, fo ka na bila san 1968 la.

An ka maakorow ko « sanji bë na kà kò to n komi ye » Masajan Sidibe tile Temenén kó Sinzani kubeda dugu 32 malosenenaw ni Operasón-iri bolo donna nögón bolo malosené hukumu kóné san 1969.

Kabini o kéra, o kéra daga wulilen ye ka söré sokalan ma ye.

Ka dà kan olu ye maaw ka forow mine ka di u yere nena maaw ma. Kalifa Sangare ko fô la, maloforoko damine waati minnu ko hali ni malo wolo be tige ni jelle ye kolu sen tâ la, Operasón-iri nalen, olu bæs ka maloforo bonyana nà daminebadaw ta ye ka sababu ke Operasón-iri senake lakkolidénw ka wale jugu ye. Sabu maa tun bù la, o dëw tun be juruta ka bila kanpajî je, ka dà kan, Senekelaw ka sègen de tun be Ku ye. Ka masoré maloforotigi si tun te le kóné min be se ka a ka malo Senenen dun. Sanko ka na dò di

ka denbaya ma so. I tun be se ka Kalo 1 walimá kalo 2 kér sigilen be ika malo Senenen kéréfe kungo kóné ka Operasón-iri senekelakkolidénw makóné walasa u ka na u ta bâ la, nò tò tora o yé i ta ye, nà tò fana ma to, o yá bonnen ye.

Ninnu nà njögónnaw de kera sababu ye ka maloforoko negebo maa caman na, kà kò i nà fô i yere ka kola jiminne ta. Kalifa Sangare ka fô la, nin damatemewalew de kera sababu ye ka maloforoko nagasi Sinzani maro kóné kabini san 1969, fo ka na bila san 1981 na.

An ni Kalifa Sangare ka kumajögónya bannen kó, an gerék an balimaké Kéke Konaté la, ale ye dò fan ye u ni Ofisi-iri ka baarajögónya kan.

A ko Ofisi-iri be se u fe waati min na, k'o y'a d' u c'res u ka maloseneyoré tun tilalen don fila ye.

1 = U tun be malo dò sene tintin kan.

2 = U tun be dò fana sene dingén kóné.

O temen kó dika tun ka ca fan bée fe, a sene keli tun man di. O siratige la, an yá jini Ofisi-iri

nëmaaw fe, u ka feerew tige walasa o be bâ la. O be bâ la cogo di ?

Nan ye cike damine, u bë nà fan ye kan ka wuli joona kabini zuwenkalo ka digenkónomalo sene, nan yo ke, utikalo tuma, an be söré ka tintin kan malo sene. N kâ, dikako kera sababu kó fanta tige. O siratige la, san 2001, Ofisi-iri nana ni binfagalán dò ye min be wele ke « Oréndépù », san 3 in kóné, maa o ma a ye fura in san, o tigilamaa bæs ye malo doënín söré anw fe yan.

Kéke Konaté ka fô la, kabini Ofisi-iri donna Sinzani, a kéra sababu ye ka nafa caman lase dagumaaw ma yiriwali nasira fe, i na fô balikukalan, nakobaara, safun edilan, galadon, jurumi senninko, fo ka se senekeminéko ma i nà fô wotoroko, misidabaw nà njögónna caman an da ma se minnu ma. Kunufoni kuncé la, Kéke Konaté ko a bâ jini Ofisi-iri nëmaaw fe u k'u jija cogo bæs la k'u maloseneyoré laben kâ kè san kalo 12 maloseneyoré ye (saminé ni tilema).

Yusufu Fane

Bamako

An ye min kunufoni söré kabîc « Les Echos » kunufoniséba kóné. A boko 2253 nan, san 2004 feburuyekalo tile 18.

Alekisi Kalumbiri

Abayalendécar, Yusufu Fane

Lasomini

An be an balima Maliaden ce ni muso bæs lasomni, ko fen min ye sefawari biye körôw falenni ye, ko waati kantalo jayan-nu. O tûmu, a jummen be bas fe, san 2004 dwiñikalo kana sa ka sefawari biye körôw

dorème kelen to maa si kun. No dun kéra, o tigi ka waribé ke i nà fô fan gansan, a te mago foyi je tigun ni filili ts.

Kolosili - Sefawari biye körôw falenni, a jummen be bas fe, san 2004 dwiñikalo kana sa ka sefawari biye körôw

Kunnafoni gelən

Lakanabagaw ka maamine n'u ka marifamine Lagine tarafirikanw na, o nà ta bëe, u be ka na Mali sugufeye bëe fa marifaw la. A fô Lagineka dôw ka Malikonédon te se ka da bila wa ? Nin don, Madine kura sugunin fan bëe kera sennø ye.

Zanwuyekalo tile 20, san 2004, kâ duguje a tile 21 la, lakanabagaw ye marifa jugu dôw mine Madine kura sugunin na, Bamakô komini filan.

Waley in donna cogo di ?

Zanwuyekalo tile 20, san 2004, ka duguje a tile 21 la, sufenege kanjë 1 (1 heure) waati Temenén ni sanga 10 njogon ye, polisi minnu sigiyorë bennen bëe sugunin kura ma, olu ka kôléseliyaala dô senfe sugu kura nà lamini na, u taara bëe mëbili dô kan, min bëra Lagine-Konakiri. Donni dôw tun be ka bâ kônø ka taa olu bila magasa dô kônø sugu la yen. Parantike hakili te foyi la tuma min, ale kônni bâ la ka mëbilikônédonninw jigin, a taara bëe kilo-keme-bore dô sirilen kan mëbilifadonni tòw jukorë. Polisiw de sigara o bëre la kosebë. Nka ni parantike nà ka mëbilibolila Umaru te, maa si te bëre in tigi dën. O koson, polisiw ye yamaruya di parantike ma a ka bëre dayelen u kâ kônøfen sidon. O fôlen, parantike ye bëre dayelen yorë min, polisiw ni mëbilibolila je dara marifaw sirisirilen kan yorë min, olu kabakoyalen tora ten. Ka dâ kan, a balala u la kosebë. Mëbilibolila sirannen tun bâ fe ka boli polisiw jenema, nkô ma sira sôrë tugun, u yâ mine ka taa nà ye sugunin kura polisiso la, a nà ka parantike Fode Ture ka fara marifaw kan. Fen min ye mëbili ye, u yô lajë fôlo sanni kunnfoni ka se Bamakô polisiso sabanan (3^e arrondissement) jemaa Burema Jara ma. O kelen ka kunnafoni sôrë, o fana ye ci se a ka jemaa Musa Jara ma, kô ka cakeda ségeré teliyala la. O selen yen, baara kalifara a la, kâ ka marifako in ségesége, ani a yera maa minnu bolo, kôlu bugunnatigë dën.

O su kelen bëe la, polisiw taara ni siganamia ninnu n'u ka marifaw ni mëbili yere ye polisiso la ségesége kama.

Marifa ninnu tun ye marifa juguba 11 ye, ninnu mariki ye (MATI) ye, nà kelen kelenna be kiseden 30 ta siye kelen.

Nka jòn ta ye marifaw ye ?

Walasa ka jêdôñ o la, Ensipekiteri-

de-polisi Musa Jara nà ka cedenw ye jininkali gan siganamia ninnu kô. Mëbillibolila Umaru Konate nà ka parantike ka fôla, olu ni polisiw bëe dama ka kan nin ko in na. Ka dâ kan, a balala olu la cogo min, a balalen bëe ale fana nà ka parantike la ten. Marifa ninnu bëe se ka ke maa min ta ye, fo nà kera u ka mëbili kônwayeri Sori Iburahima Jalo ye.

Waati min na olu te yen, a bëe se ka maaw hakili sonya ka ninnu ladon mëbili kônø kabini Sigirin (Lagine). N'i ye mëbillibolila nà ka parantike ka kuma jukorëlan laje, i bâ ye ko kônwayeri ye u maa fila bëe ladënniya.

Nônte, nà yâ sôrë ale te foyi kalama a ko la, mun koson marifaw yelen ale tun be boli ?

Mun na mëbillibolila yâ dën ko marifaw ye kônwayeri Sori Ibrahima Jalo ta ye, kasorë a ma don ale je na mëbili kônø Sigirin ?

Nin jininkaliw senfe, Umaru Konate ma se ka polisiw bëe u ka sira kan.

Tile fila o kôfe, nô benna san 2004 nan zanwuyekalo tile 22 ma, Sori Iburahima Jalo jigginsa Bamakô. A kelen kâ ka marifaw ni mëbillibolila mineniko men polisiw fe, a taara a terike Duma Musa Kamara fe, ka donnijiiginsében dô ma, ka tila kâ jini o fe, kô ka taa mëbillibolila nà ka parantike ka kuma lamen polisiso la, sannâ kâ ka mëbili labâ ka taa a ka Lagineka la. O kuma fôlen, Duma Musa Kamara yâ ke i nà fô a te foyi kalama. A taatâ polisiso sabanan (3^e arrondisement) na, a temena sugunin kura fe. O kelen, yen polisiso jemaa Musa Jara nà ka cedenw yâ mine kâ lasigi yen ségeségi kama. Polisiw ka jininkaliw senfe, a ye kuma fen o fen fô, o si mâ bo maa minnu bolo. O la sa, jininkaliw bëe senna walasa tege be dâ Sori Iburahima Jalo kan. Nkâ, kunnafoniw yâ jira kâ taalen bâda Lagine dugukolo kan, nô yâ fajama ye.

Jòn dun bëe ka Mali bëe a dabolo kan ?

An tena sègen a fôlila abada ko jamana fila ninnu faanmaw k'u hakili to tarafirikanw na, minnu ka baara ye nin marifa juguw feereli ye jamana fila ninnu ni njogon ce, nô ye Mali ni Lagine ye. Sanni Sori Iburahima Jalo ta in ka ke,

kan 1 (Camp 1) maaw ye marifa kalasinikowu kura 42 mine Lagine tarafirikanw na. O Temenén kô, jumadon, utikalo tile 8, san 2003, lasidan-Sefu Adama Musa Jara yâ tege da marifa dôw kan Basala Ture ka du kônø Jarelâ Bamakô, an'u feereba Modibo Kulubali nà jéjogon jugu dôw. O senfe, mëbili kônwayeri Bakari Kamara ni marifaw tigi kofora Modibo Kulubali fe, kô de ye marifaw dibaa jòn jòn y'u ma. Nka, tege ma se ka da o kan abada.

Zuluyekalo tile 12, san 2003, Kankaba zandaramaw ye marifa mariki kalasinikowu kura 12 mine gana taransiporë ka kareba dô kônø, minnu tun dogolen bëe finginbore dô cemance la. O mëbili kônwayeri Fantamadi Dunbiya Minenén, ale fana ye Lasine Jara kofô, nô fana ye Lagineka ye, i nà fo Fantamadi Dunbiya cogo. Nin ko kelen in njogon la, Bamakô polisiso 9 nan (9^e arrondisement) polisiw fana ye Laginekaden dô mine, min si tun be san 21 na, nà tégâ tun ko Seku Kamara. Marifa metereyasi mariki (FEMU) 12, ani pisitole metereyasi mariki (FEMU) tun be jikankurun kônø a bolo ka bëe Lagine fo Mali la yan.

Kôfe, o marifaw tigiw minenâ, nôlu tun ye : Adama Kamara ni Seku Kuyate ye.

Jlininkaliw senfe, olu fana ye Lagine sôrëdasi jalatigi (koloneli) dô kofô, nô ye Yaya Kamara ye ka bëe Konakiri. A dagayorë ye Alifa-Yaya tégâla sôrëdasidagayorë ye, nô be wele ko (kan Alifa Yaya) Konakiri, Lagine jamana faaba.

Kâle de ye marifaw dibaga jòn jòn y'u ma. O tuma, nin marifa feere dabibali min file jamana fila ninnu ni njogon ce, ni fu ma siri a dan na sanni tasuma kâ binjalâ mine, a bëe són ka ke kojugu ye dôndô la.

O tuma, an be segin a kan jamana fila ninnu jemaa ye, u ka feere ni dabibali tige walasa ka wale jugu in kele ka bëe an ni njogon ce. Nônte, hun ! hun-hun-hun !

An ye nin kunnafoni sôrë kunnafoni niseben (kabako) kônø. A bëkô 332 nan, zanwuyekalo tile 30, san 2004. Umaru Buware bolonâ don.

A bayelembaga bamanankan na :
Yusufu Fane

Afriki ntolatan janjonba tanniw

Kà ta san 2004 zanwuyekalo tile 24 na, ka se feburuyekalo tile 14 ma, Afriki ntolatan janjonba tanko 24 nan kéra Tunizi jamana kono. I nà fô san 2002 san tanniw, minnu keran yere bara yan, Afriki jamana 16 ka cedenw de ye njogon soro



Ferederiki Kanute (numanfe) ye faso Mali kunawolo Tinizi cebenw kene kan.

kene in kan. O ntolatan jekulu 16 tila-
ra Kuluba naani de ce.

Kulu A : Tinizi, Uruwanda,
Lagine, Kongo demokaratiki.

Kulu B : Mali, Burukina Faso,
Senegali, Keniya.

Kulu C : Kameruni, Zinbawe,
Eziputi (Misira jamana), Alizeri.

Kulu D : Nizeriya ; Maroku, Afriki
di Sidi, Benen.

Kà ta zanwuyekalo tile 24 na ka se
feburuyekalo tile 14 ma, cebenko 32
de kéra. Sijé 24, tanko fôlôw kadara
kono ; sijé naani seeginkulu tanni
kadara kono ; sijé kelen jeyoré sa-
banan kadara kono ; sijé kelen
janaben kadara kono.

Fen min ye filaninbin ye, an yó
wolowula yé (Kameruni-Alizeri 1-1 ;
Senegali-Burukina Faso 0-0 ;
Uruwanda-Lagine 1-1 ; Tunizi-Lagine

1-1 ; Senegali-Mali 1-1 ; Kameruni-
Misira jamana 0-0 ; Maroku-Afriki
di Sidi 1-1).

An baw ladenniya ko Afriki ntola-
tan janjonba tanko fôlôw kéra san
1957 de Sudan jamana kono. Ka bi o
san, janjonba in ntolatanw be ke san

Nizeriya-Maroku : kuru 0 ni 1
Afriki di Sidi-Benen : kuru 2 ni 0
Uruwanda-Lagine : kuru 1 ni 1
Tinizi -Kongo demokaratiki :
kuru 3 ni 0

Kameruni-Zinbawe: kuru 5 ni 2
Alizeri-Misira jamana : kuru 2 ni 1
Senegali-Keniya : kuru 3 ni 0
Burukina Faso-Mali : kuru 3 ni 1
Nizeriya-Afriki di Sidi: kuru 4 ni 0
Maroku -Benen: kuru 4 ni 0
Tinizi-Lagine : kuru 1 ni 1
Kongo demokaratiki-Uruwanda :
kuru 0 ni 1

Senegali-Mali: kuru 1 ni 1
Burukina Faso-Keniya: kuru 0 ni
3

Kameruni-Misira jamana : kuru 0
ni 0
Alizeri-Zinbawe: kuru 0 ni 2
Nizeriya-Benen : kuru 2 ni 1
Maroku -Afriki di Sidi : kuru 1 ni
1

Seeginkulu tanniw

Mali-Lagine : kuru 2 ni 1
Tinizi-Senegali : kuru 1 ni 0
Kameruni -Nizeriya : kuru 1 ni 2
Maroku-Alizeri: kuru 2 ni 1

Naanikulu tanniw

Nizeriya-Tinizi : kuru 1 ni 2
Mali-Maroku : kuru 0 ni 4

Jeyoré sabanan

Nizeriya-Mali : kuru 2 ni 1

Janaben kene

Tinizi-Maroku : kuru 2 ni 1.

An baw ladenniya ko nin yá sije
fôlô ye Tinizi ntolatanba ninnu jan-
jonba ta. Nka, ni Maroku tun yá soro,
a tun be kô ta sije filanan de ye, ka
masoro o yá ta san 1985.

Fen min ye Mali bônkamalenw ye,
tijé don, u ni galabu sera kene in kan
ani kamalen kologelénw, i nà fô
Ferederiki Kanute, Basala Ture,
Sissokôke, an'u njogennaw, nk'u ma se
kulu yelen ka teme u ka jeyoré naan-

A to be je 12 nan kan

je 11 nan tɔ

inan kan, kò sababu ke cemance lakana matarafabaliya ye a jema. Jefoli barikama were min be Mali ka jetaabaliya la, o ye cedenw degebaliya ye jøgønna. A waati sera sa an ka ntolatan jemaaw kà faamuya ko don kelen fa te wulu tulø.

Nan b'a fe ka ntolatan ninnu janaya ke don dø, a wajibiyalen don an kan, an ka ntolatan jekulu sigi sen kan min kologirinman be jamana kono basigibagaw bolo. Hali nølu be dafa ni « tungaranke » murumurun-inw ye.

Bi-bi in na, an ka kan kà døn kan ka ntolatan ka jetaa dulonnen te tubabu degenkaramøgøko la. Mamdu Keyita, « Kapi » y'u lase yørø min na (jøyørø naaninan), ale kofe tubabu degenkaramøgø fila si ma se k'u lateme o kan.

O kanma kun were ka jini a ko la. An dun yø kun were de fø sanfe. Ntolatan janaya te sørø waatinin kelen wulikajø fe. Badaabadaako de don.

Mali cedenw ma jøyørø sørø janasabawalanba kan jinan fana, nkàn hakili b'a la ko jemaaw bøna



Ntola be jamanaw kala jøgon na
walew caya ni kumaw ye sanni 2006 ce, walasa, hali nàn ka cedenw ma kò janjon tabagaw ye, u koni ka jøyørø sørø janasabawalanba kan. Sanni o ce, Tinizi jamana koni ni daamu, awa Marøku (jøyørø filanan) ni Nizeriya (jøyørø cbabant) cedenw ni waso.

Tumani Yalam Sidibe

Kolosili : Afriki ntolatan janjonba tanni 25 be ke Misira jamana kono san 2006.

be waati min na i ko sisan, **An** selinciinin ani selibako Temenéen be diineko kan Mali kono, sanko Bamako. Ne bøna nin fø aw ye yan, o kera ne ka temensenna de waati la Bamako. Ne y'a ye, a kera n jena, o de kanma n b'a seben kà ci jekabaara ma. Nin kera Korofina kin de la. Denbaya dø kono, ce nà muso an'u denw bee tun b'u diya barisa ce tun be baarada juman na, awa, a muso fana ka dumunifeneereyørø be døgøfiye la. Seliba jekørø, ce ye sefawari ba dømado di a muso ma walasa o ka taa fereyabo san a yere ni denw ye. Muso ye wari in bila Jemenin kono. Nka, sanni a kà siri a ce la, a y'a ke a bolokøføfen ye a sibon kono. Kà ta sogoma fo wula fe, muso ma wari in kofø. Laasaratile jan waati de la, a nàn hakili lajigin a ka Jemenin nà kònøwari la. A y'a denkenin « Papu » wele kò bila kò ka taa Jemenin ta, tabali kan a sibon sofølø kono ka nà dø ma.

Papu ma taa Jelenin sørø tabali kan. O nana o fø a ye. Muso yere, nà tøgø nà jamu sebenden foløw ye « SS » ye, a wulila ka taa sokønøfenw dafiri-firi.

A ma Jemenin ye. O yørønin bøe la, a y'i bolo dø Kun ka kule ni « pusipusin jifeerela » tøgø ye. A kò de y'ale ka jemenin ta a ka jiyelema waati, ko barisa, je yeleke were ma don ale bara o kofe. Denmisèn wana ma bilakasuma ke. U y'u senfa ka worobineda segere. Sanni u ka se yen yere, u ni kamalennin benna. Barikøn faji tun bø kun wotoronin kono, ka jisanbaga dø segere. Denw ma ko were ke, u y'u ke cenin kan, kà ka ji bøe bøn, kà yere diyagoya lase u bara. U ba je su a kan, o ko : « e, jaa sanni n k'i lase faamaw bara ! »

Cenin y'a da tulu la, kà da jaba la, muso denw mà bila. U y'a lajaba fo soønin u benà ka finiw bø a kan na. U y'u bolo bila a jufaw kono ani kà fari yørø tøw mëmo. U ma fen were ye wari misèn w kø. Cenin nalon talen jølen tora, a te ka døwøre fø » ee Ala, ne tora » kø.

Sigijøgøn dutigi dø de nana o la sa kà be muso nà denw sabali, k'u n'u

hakili jira. Hali o tun kana o kø !

Dijø kuma jugu si te yen u ma min ke ka cekørøba bilasira. Nka, Ala ka teli a ka kow fe. Muso denmuso kørøba donna so kono o waati de la, kà be taa a ka wulafekalanyørø la. O girintø børa a ka na u ba segere ni Jemenin ye. A ko ba ma ko : « Ee maa, an ye cenin ni cekørøba jurumu ta dø. E ka Jemenin tun dalen be dilan kunkørøla la sojekønø na ».

Muso ye Jemenin mine k'a kònøfenw laje. A taara sørø olu bøe døfalen be yen. U ye wotoronintigi jifeerela bolofenw dø ma, kà labila. Nka, o ma kuma were fø nin kø : « Ala be ne ta jurusara. O be ne bø ». A y'o fø ka bøda segere. A taara a sørø Ala ka møgø juman dø tun y'a ka wotoronin nà kono jifeere barikon manama ta kà lasagon ga dø kørø a jø.

Nin wale in ye Bamakøtaa nege bø ne la dø. Jaa Bamako ye karadugu de ye, n'i ma kara jini a b'i jini.

Hali n'i kera yeredønbaga ye Bamako, ne y'a kòlosi kò ti kunbo kara la, barisa a dan y'i ni yeredønbali dø ka jøgønlasørø sira dø fe, walasa i danbe ka ta ka bø i kan. Yeredønbali dun fana ka ca Bamako i nà fø a be dijø duguba tøw kono cogo min.

**Lasana Samake
Ka bø Kopjeni
Welesebugu kubeda**

Jekabaara

Labolikuntigi Seben jekulu kuntigu

Tumani Yalam Sidibe
Seben jekulu

Yusufu Fane

Bakari Sangare

Usumani N Tarawele (CMDT)

Tumani Yalam Sidibe

Demøgønø

Fanta Kulubali

Idirisa Setiqi Sakø

Bonifasi Danbele

jøgenw kebaga

Yakuba Jara ko Kayi

Labenbagø eridinateri la

Worokiyatu So

Baarakøøgønø

CMDT-World Vision - Ofisi Nizeri -

Ofisi in- OHVN

Hake bøta : 11000

Batakisira : 2043

Negejurusira : 229 62 89

Jamana baarada - Seki zayedti togøla

sira - Hamudalayi kin - Bamako